



Pou Piblikasyon Imedya: 05/07/2022

GOUVÈNÈ KATHY HOCHUL

GOUVÈNÈ HOCHUL ANONSE 250 MILYON DOLA POU PERYÒD APLIKASYON RESTORE NEW YORK LA KI PRAL OUVRE 11 JIYÈ

Ankouraje revitalizasyon kominote yo nan redevlope oswa elimine estrikti ki delabre yo

Enskri [isit la](#) pou Webinè Enstriktif k ap òganize mèkredi 13 jiyè a 10 a.m. lan

Gouvènè Kathy Hochul te anonse jodi a ke pwogram sibvansyon Restore New York la pral ouvri 11 jiyè. Pwogram 250 milyon dola sa a ankouraje devlopman kominotè a ak kwasans katye atravè eliminasyon ak redevlopman estrikti ki delabre yo. Restore New York ouvri pou minisipalite yo pou sipòte pwojè ki konsantre sou demoli, reyabilite ak restore bilding rezidansyèl, komèsyal ak bilding pou itilizasyon miks yo. Pwogram nan, ki administre pa Empire State Development, fèt pou ede gouvènman lokal yo revitalize kominote pa yo epi ankouraje investisman komèsyal yo, amelyore stock lojman lokal la, remete pwopriyete yo sou lis fiskal yo epi ogmante baz fiskal lokal la. Sibvansyon yo pral bay an de faz ane sa a, ak 100 milyon dola ki disponib nan premye faz la ak 150 milyon dola ki disponib nan dezyèm faz la.

"Mwen te vwayaje nan tout kwen nan eta a epi mwen te wè dirèkteman potansyèl ki genyen nan anpil nan bilding delabre ki pi ansyen New York yo" **Gouvènè Hochul te deklare.** "Espas sa yo te gen yon objektif epi kounye a yo bezwen finansman ak vizyon pou bay nouvo lavi nan katye yo. Finansman Restore New York la bay lokalite yo resous pou transfòme pwopriyete abandone ak neglije yo, ede rekonstwi ak ranfòse kominote yo atravè eta a."

Prezidan, Direktè Egzekitif Jeneral ak Komisè Empire State Development lan, Hope Knight, te deklare, "Restore New York bay minisipalite yo sipò yo bezwen pou kreye yon chanjman reyèl nan kominote yo, espesyalman nan sant vil yo. Lè yo retire oswa reyabilite yon bagay orib ki rabese yon katye, minisipalite yo gen opòtinite pou revitalize kominote yo epi jenere nouvo opòtinite ekonomik."

Objektif Restore New York se pou ede atire rezidan yo ak biznis yo nan redevlopman pwopriyete rezidansyèl, komèsyal ak pou itilizasyon miks. Chak pwojè ta dwe aliman ak plan estratejik rejyonal Konsèy Devlopman Ekonomik Rejyonal (Regional Economic Development Council, REDC) la epi pwojè yo ta dwe swa an akò sou plan achitekti ak

pwopriyete ki tou pre ak adjasan yo oswa yo an akò avèk revitalizasyon lokal minisipalite a oswa plan devlopman iben an.

Yo ka itilize finansman pou bilding ki vid, abandone, kondane oswa ki gen sipli epi pwopriyete sa yo ka demoli, dekonstwi, reyabilite oswa rekonstwi. Yo pral mete aksan sou pwojè ki nan kominote ki an detrès ekonomik yo, pwojè ki pwofite lòt fon redevlopman eta oswa federal yo ak fezabilite ak preparasyon pwojè a. Aplikan ki elijib yo enkli konte, vil, ti vil, ak vilaj ki nan Eta New York yo ki baze sou kritè sa yo:

- Vil ki gen plis pase 100,000 moun ka aplike pou jiska 5 milyon dola pou yon pwojè. Sepandan, vil ki gen plis pase 1 milyon moun nan popilasyon ak nan konte yo dwe aplike pou pwojè nan yon zòn ki an detrès nan vil la.
- Vil ak vilaj ki gen popilasyon ant 40,000 ak 99,999 ka aplike pou yon pwojè jiska 3 milyon dola.
- Tout lòt minisipalite yo ka aplike pou yon pwojè jiska 2 milyon dola

Empire State Development ka bay yon kantite prim espesyal ki limite. Minisipalite ki gen popilasyon 100,000 oswa mwens ak Konte ki gen popilasyon 400,000 oswa mwens ka aplike pou yon lòt 10 milyon dola pou mete nan yon dezyèm pwojè separe OSWA nan yon pati nan yon pwojè ki pi gwo anplis limit finansman ki endike anwo a. Pwojè espesyal yo se kote pwopriyete a lakòz domaj ekonomik grav nan kominote a, ki kite yon pwopriyete oswa anpil pwopriyete trè vizib ak delabre nan distri biznis santral la nan yon kominote ki an detrès sevè oswa modere ki gen yon efè depresif sou potansyèl devlopman ekonomik jeneral kominote a.

ESD dwe resevwa yon fòm entansyon pou aplike anvan 11 out 2022. Pou plis enfòmasyon detaye sou pwogram nan ak egzijans yo, vizite <https://esd.ny.gov/restore-new-york>. RFP la epi tout direktiv yo pral disponib 11 jiyè.

Senatè Eta Anna M. Kaplan, te deklare, "Estrikti ki delabre yo se yon sikatris sou kominote nou an ak yon drenaj sou resous lokal yo, kidonk chak fwa nou ka revitalize yon pwopriyete epi remèt li sou lis fiskal yo, se yon viktwa pou nou tout. Pwogram Restore New York la pral konbat delabreman epi ede kominote nou yo refè anba epòk pandemi an, epi mwen ankouraje chak minisipalite pou yo aprann plis epi aplike pou lajan pou ede fè New York avanse pou pi devan."

Harry Bronson, ki se Manm Asanble a, te deklare, "Sa a se yon gwo pwogram ki pral remode katye nou yo epi ki pral retounen ak vitalite nan pwopriyete ki te delambre yo. Se opòtinite tankou sa yo k ap fè New York rekipere li epi k ap pèmèt plis travay pou fanmi nou yo. Mèsi, Gouvènè Hochul ak Empire State Development, paske nou kontinye ede nou avanse nan direksyon pou yon rekiperasyon ekonomik enklizif ak ekitab."

Enfòmasyon sou Empire State Development

Empire State Development (ESD) se ajans devlopman ekonomik prensipal New York. Misyon ESD se pou pwomouvwa yon ekonomi ki djanm ak pwospè, ankouraje kreyasyon nouvo travay ak opòtinite ekonomik, ogmante resèt pou Eta a ak minisipalite li yo, epi fè ekonomi lokal yo vin estab ak divèsifye. Lè yo itilize prè, sibvansyon, kredi taks ak lòt fòm asistans finansye yo, ESD ap fè efò pou amelyore envestisman biznis prive ak kwasans pou sipòte kreyasyon travay epi sipòte kominote pwospè yo toupatou nan Eta New York. ESD se egalman ajans administratif prensipal k ap kontwòle Konsèy Devlopman Ekonomik Rejyonal (Regional Economic Development Councils) Eta New York la ak komèsyalizasyon "I LOVE NY", mak touris anblematik Eta a. Pou jwenn plis enfòmasyon sou Konsèy Rejyonal yo ak Empire State Development, vizite www.regionalcouncils.ny.gov ak www.esd.ny.gov.

###

Lèt nou vèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)